

<b>Adroddiad i'r</b>	Y Pwyllgor Llywodraethu ac Archwilio
<b>Dyddiad yr adroddiad</b>	27 Gorffennaf 2022
<b>Aelod / Swyddog Arweiniol</b>	Gwyneth Ellis, Aelod Arweiniol Cyllid, Perfformiad ac Asedau Strategol / Steve Gadd, Pennaeth Cyllid ac Eiddo
<b>Awdur yr adroddiad</b>	Steve Gadd, Pennaeth Cyllid ac Eiddo
<b>Teitl</b>	Ardystio Grantiau a Ffurflenni 2020-21 Cyngor Sir Ddinbych

## 1. Pwrpas yr Adroddiad

1.1 Mae adroddiad o'r enw 'Ardystio Grantiau a Ffurflenni 2020-21 – Cyngor Sir Ddinbych' wedi'i baratoi gan Archwilio Cymru (AW) ac mae ynghlwm. 1.1 Mae'r adroddiad yn nodi crynodeb o'r canlyniadau allweddol o waith ardystio Swyddfa Archwilio Cymru ar grantiau a ffurflenni'r Cyngor ar gyfer 2020/21.

## 2. Beth yw'r rheswm dros lunio'r adroddiad hwn?

2.1 Mae AW wedi gofyn i'r adroddiad mewnol hwn gael ei gyflwyno i'r pwyllgor hwn bob blwyddyn. Mae'r adroddiad er gwybodaeth yn unig.

## 3. Beth yw'r Argymhellion?

3.1 Argymhellir bod y Pwyllgor yn ystyried cynnwys adroddiad AW. Bydd cynrychiolwyr AW yn mynychu'r cyfarfod i ateb cwestiynau mewn perthynas â'r adroddiad.

## 4. Manylion yr adroddiad

4.1 Mae adroddiad Swyddfa Archwilio Cymru yn nodi crynodeb o'r canlyniadau allweddol o waith ardystio Swyddfa Archwilio Cymru ar grantiau a ffurflenni 2020/21 y Cyngor ac mae at ddefnydd mewnol Cyngor Sir Ddinbych. Mae'r adroddiad yn crynhoi'r canfyddiadau allweddol sy'n deillio o'r gwaith hwn.

Mae'r adroddiad yn canfod bod gan y Cyngor drefniadau digonol ar waith ar gyfer cynhyrchu a chyflwyno hawliadau grant 2020/21. Mae nifer y grantiau sy'n cael eu harchwilio'n benodol gan AW wedi lleihau'n aruthrol dros y blynyddoedd diwethaf, ond mae'r saith sy'n weddill yn gymhleth iawn ac yn cynnwys nifer fawr o drafodion a gwerth. Mae'n braf bod cyfanswm effaith y newidiadau i hawliadau a ffurflenni'r Awdurdod yn fach. Dylid nodi hefyd mai dim ond un o'r grantiau oedd angen cymwysterau.

## **5. Sut mae'r penderfyniad yn cyfrannu at y Blaenoriaethau Corfforaethol?**

5.1 Mae Cyllid Grant yn hanfodol i ariannu gweithgarwch llywodraeth leol mewn nifer o feysydd. Mae adroddiad AW yn helpu i roi sicrwydd bod trefniadau digonol ar waith o fewn y Cyngor i weinyddu'r broses grantiau.

## **6. Faint fydd yn ei gostio a sut fydd yn effeithio ar wasanaethau eraill?**

6.1 Mae'r ffioedd am waith a wnaed gan Swyddfa Archwilio Cymru mewn perthynas ag ardystio grantiau a ffurflenni ar gyfer 2020-21 wedi'u cynnwys yn yr adroddiad.

## **7. Beth yw prif gasgliadau'r Asesiad o'r Effaith ar Les?**

7.1 Barn broffesiynol y Swyddog Adran 151 yw nad oes angen Asesiad o'r Effaith ar Les ar gyfer yr adroddiad hwn.

## **8. Pa ymgynghoriadau sydd wedi'u cynnal gyda Chraffu ac eraill?**

8.1 Mae AW yn gweithio'n agos gyda CSDd drwy gydol y broses archwilio a chaiff CSDd ei hysbysu'n llawn am unrhyw faterion sy'n codi o waith archwilio Archwilio Cymru.

## **9. Datganiad y Prif Swyddog Cyllid**

9.1 Mae adroddiad AW ar grantiau a ffurflenni'r Cyngor at ddefnydd mewnol y Cyngor er mwyn helpu i ganolbwyntio ar unrhyw feysydd o risg neu wendid. Mae'n bleser nodi bod yr adroddiad yn dod i'r casgliad bod gan y Cyngor drefniadau digonol mewn lle. Mae'r ffioedd yn ymrwymiad cyllidebol presennol ar gyfer yr awdurdod. Hoffwn ddiolch i dîm Archwilio Cymru am eu proffesiynoldeb a'u dealltwriaeth barhaus wrth wneud y gwaith pwysig hwn.

## **10. Pa risgiau sydd yna ac oes yna unrhyw beth y gallwn ei wneud i'w lleihau?**

10.1 Dylai'r broses archwilio amlygu unrhyw risgiau sylweddol ac ymateb y rheolwyr i fynd i'r afael â'r risg neu'r effaith neu i'w lleihau.

## **11. Pŵer i wneud y penderfyniad**

11.1 Mae Adran 151 o Ddeddf Llywodraeth Leol 1972 yn mynnu bod gan y cyngor drefniadau rheoli ariannol priodol ar waith. O dan Baragraff 20 o Atodlen 8 i Ddeddf Llywodraeth Cymru 2006 bydd yr Archwilydd Cyffredinol, os bydd yn ofynnol gan lywodraeth leol neu gorff arall sy'n derbyn grantiau, yn gwneud trefniadau ar gyfer ardystio hawliadau a ffurflenni.